

Sgiliau Hanfodol Cymru

CYMHWYSO RHIF

Nodyn pwysig:

1. Rhaid darllen y ddogfen hon ochr yn ochr â'r dogfennau 'Ymhelaethu ar ofynion y dystiolaeth' a 'Diffiniadau Gorfodol Cymhwyso Rhif' sy'n rhoi manylion mandadol am bob cydran ac sy'n rhan hanfodol o'r safonau.

Lefel Mynediad 1

Mae hyn yn golygu dangos eich bod yn gallu:

- defnyddio sgiliau rhif a data rhifiadol i fynd i'r afael â phroblem neu dasg
- gwneud cyfrifiadau
- dehongli'ch canlyniadau a chyflwyno'ch canfyddiadau.

RhM1.1 Deall data rhifiadol

Mae'n rhaid i chi roi tystiolaeth eich bod chi'n medru:

RhM1.1.1

Cadarnhau eich bod yn deall problem neu dasg ymarferol benodol yn ymwneud â rhifau a mesurau.

RhM1.1.2

Cadarnhau sut y byddwch yn mynd i'r afael â'r dasg.

RhM.1.1.3

Darllen a deall data penodol o ddwy ffynhonnell i ateb pwrpas eich tasg.

Er mwyn dangos eich bod chi'n gymwys, mae angen i chi wybod sut i:

- wirio gyda pherson priodol eich bod chi'n deall y broblem neu'r dasg a sut y byddwch yn mynd i'r afael â hi
- darllen a deall gwybodaeth a roddir gan rifau a symbolau, mewn deunyddiau graffigol, rhifiadol ac ysgrifenedig syml
- cysylltu digwyddiadau cyfarwydd:
 - ag amser y dydd (gan ddefnyddio o'r gloch neu rannau o'r dydd)
 - â dyddiadau'r wythnos
 - â thymhorau'r flwyddyn
- defnyddio rhifau cyfan i fesur a gwneud arsylwadau
- defnyddio siâp a gofod i helpu'ch dealltwriaeth
- defnyddio gwybodaeth o restrau a diagramau syml i helpu'ch dealltwriaeth
- copïo proses neu drefn benodol i wella'ch dealltwriaeth.

RhM1.2 Gwneud cyfrifiadau

Mae'n rhaid i chi roi tystiolaeth eich bod chi'n medru:

RhM1.2.1

Defnyddio'r data rydych chi wedi eu cael i wneud cyfrifiadau yn ymwneud â niferoedd neu feintiau sy'n berthnasol i'ch tasg.

Er mwyn dangos eich bod chi'n gymwys, mae angen i chi wybod sut i:

- ddefnyddio dulliau a roddwyd i chi
- gweithio i'r lefelau cywirdeb a roddwyd i chi
- rhifo'n ddiogel hyd at 10 eitem
- darllen, ysgrifennu, trefnu a chymharu rhifau cyfan hyd at 10, yn cynnwys sero
- adio rhifau un digid hyd at gyfanswm o 10, a thynnu rhifau un digid o rifau cyfan, hyd at 10
- dehongli +, - a = mewn sefyllfaoedd ymarferol i ddatrys problemau
- adnabod a dewis darnau a phapurau arian
- disgrifio maint a chymharu maint o leiaf dau beth yn uniongyrchol
- disgrifio hyd, lled ac uchder a chymharu hyd, lled ac uchder eitemau'n uniongyrchol
- disgrifio pwysau a chymharu pwysau eitemau'n uniongyrchol
- disgrifio cynhwysedd a chymharu cynhwysedd eitemau'n uniongyrchol
- adnabod ac enwi siapau 2D a 3D cyffredin yn cynnwys petryal, sgwâr, cylch a chiwb
- trefnu a dosbarthu gwrthrychau gan ddefnyddio un maen prawf
- deall geirfa leoliadol bob dydd
- gwneud dyluniadau neu ddiagramau syml gan ddefnyddio gwybodaeth am rifau, mesurau, neu gofod a siâp
- defnyddio cyfrifiannell a dulliau a roddwyd i chi i wirio eich cyfrifiadau
- cywiro unrhyw wallau
- gwirio bod eich canlyniadau yn gwneud synnwyr.

RhM1.3 Dehongli canlyniadau a chyflwyno canfyddiadau

Mae'n rhaid i chi roi tystiolaeth eich bod chi'n medru:

RhM1.3.1

Cyflwyno'ch canfyddiadau.

RhM1.3.2

Dangos sut mae'ch canlyniadau yn ateb pwrpas eich tasg.

Er mwyn dangos eich bod chi'n gymwys, mae angen i chi wybod sut i:

- ddefnyddio rhifau cyfan, mesurau, gwrthrychau neu ddelweddau syml, fel sy'n briodol i gyflwyno'ch canlyniadau
- defnyddio geirfa briodol i ddisgrifio meintiau a mesurau cyffredin
- dangos sut mae'ch canlyniadau yn ateb pwrpas eich tasg.

Datganiad mynediad

Efallai na fydd ymgeiswyr ag anableddau penodol yn gallu dangos eu bod yn gymwys drwy gyflwyno yr holl dystiolaeth yn y dull a nodir yn y safonau hyn.

Ar gyfer yr ymgeiswyr hyn gellir gwneud addasiadau rhesymol i ofynion y dystiolaeth lle bo hynny'n briodol. Mewn rhai achosion, mae'n bosib y gellir caniatáu eithrio. Ceir manylion pellach am addasiadau rhesymol ac eithrio ar gyfer ymgeiswyr ag anableddau penodol mewn dogfen ar wahân ar ymhelaethu.